



27. september 2023

UKA23/17

Uunga siunnersuut: Naligiissitaaneq assigiinngisitsinnginnissarlu pillugit Inatsisartut inatsisaat.

(Inuitissarsionnermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siumumiit Naalakkersuisoq saqqummiusnaanut qutsavigaarput. Imatullu oqaaseqarfigissavarput.

Inuiaavungut naqisimaneqarani inuit tamat oqartussaaqataanerannik pingaartitsisut. Tamatumalu malitsigisaanik assigiinngisitsilluni isiginnittariaatsimut akuersaanngitsut, taamaammat assigiinngisitsinnginnissamik Inatsiseqarnissarput pisariaqarluni.

Aammalu Naalakkersuisut isumaqatigaavut, siunnersuut saqqummiunneqartoq inuiaqatigiinni pitsaasumik alloriarneruvoq.

Kisiannili aamma assigiinngisut ingut aningaasanik pisussaaffiliisumik malitseqarsinnaanera sukumiisumik qulaajaaffigalungu ataatsimiititaliami eqqartorluarneqassasoq kissaatigaarput.

Tamatumani Innarluutillit atungaat taaginnarsinnaavavut, assigiinngisitsinata inuit tamat ornittangaat iserfigineqarsinnaassappata illoqarfissuarniluunniit naammassisinnaanngereerpavut. Nunarput isorartooq qiviassagutsingut isorliunerusuni Innarluutilittavut eqqaaginnarsinnaavavut.

Ulluinnarni atugaat allanut naleqqiullungit appasinnerujussuupput.

Meeqqat atuarfianni pisariaqartitaat naammattoq tunniuttarparput?

Ilinniartinnut inuussutissarsiuutigisinnaasaannut ingerlatsinissaannut neqeroorutivut naammaginarpat?

Taakkuinnaalluunniit eqqarsaatigalungit oqareernitsit aappassaaneernissaata tungaanut ataatsimiititaliaq qulaajaalluassasoq kissaatigaarput.

Erseqqissassavarput taama pingaaruteqartigisumik Inatsimmik pisariaqartitsinerput Naalakkersuisut saqqummiusfaat taperseratsingu.

Inatsimmillu taama ittumik pisariaqartitatsinnik atuutsitsilernissaq avaqqussinnaanngilarput.

Siumut

Karl Tobiassen